



**UDRUŽENJE GRAĐANA ZA POVRAT STARE
DEVIZNE ŠTEDNJE U BiH i DIJASPORI**

RAIFFEISEN BANKA
ž.r. 1610450036820073
e-mail: nnisic@spinter.net
www.starastednjabh.org

Sjedište: Banja Luka 78000
I. G. Kovačića 139b
tel. 051/380-738
fax. 051/381-374

UPRAVNI ODBOR

Broj: 1564/10

Banja Luka, 12.07.2010.

SAOPŠTENJE ZA JAVNOST

Zbog medijske blokade koju dosljedno provodi diktatorski režim prinuđeni smo da koristimo saopštenje za javnost u očekivanju da će neki od medija koje ne kontroliše aktuelna korumpirana vlast prenijeti bar dio ovog saopštenja kojim se obraćamo javnosti u Bosni i Hercegovini, a posebno vlasnicima stare devizne štednje u Bosni i Hercegovini i dijaspori. Ovo saopštenje objavit ćemo i na web stranici Udruženja građana za povrat stare devizne štednje u Bosni i Hercegovini i dijaspori: www.starastednjabh.org.

Suočena sa apsolutno izvjesnim gubitkom vlasti na predstojećim izborima aktuelna vlast nastoji po svaku cijenu da okonča najveću pljačku u istoriji civilizovane Evrope i da sakrije tragove. Nastoje da medijskim pritiscima i ultimatumima preplaše i prisile članove našeg Udruženja pričom o "posljednjem roku za verifikaciju stare devizne štednje" trijumfalno završe pljačku. Kao što je opšte poznato ovo je deseti poredu "zadnji rok" za verifikaciju. Čak je i Ustavni sud ove nesretne države sastavljen od potpredsjednika partija koje su nas opljačkale prije dvije godine odbio da rješava jedan zahtjev za ocjenu ustavnosti Zakona o izmirenju obaveza po osnovu računa stare devizne štednje, najnakaradnijeg zakona ikad usvojenog, jer je verifikacija okončana. Poslije toga, verifikacija je trajala i produžavala se pet-šest puta. Koriste veoma agresivnu kampanju, jer je osnovni cilj da se uz verifikaciju dobiju izjave o odricanju od prava na tužbu što je od krucijalnog značaja za kriminalce koji su svjesni da gube vlast, a kada bi svi odustali od prava na tužbe bili bi sigurni i pljačkaši lično i sve što su stekli pljačkom.

Zato apelujemo na članove Udruženja i sve ostale vlasnike stare devizne štednje, da ostanu mirni. Da ne nasijedaju na ultimatumе i ucjene za verifikaciju, jer bi na taj način djelovali u korist onih koji su ih opljačkali.

Naporno radeći otkrili smo mnoge lopovluke. Otkrili smo da je u privatizaciji korišteno puno više stare devizne štednje nego što je uopšte bilo na računima. Radi se pljački koja je drskošću prevazišla sve što je poznato u istoriji kriminala. Istraga će

rasvijetliti šta su to radili APIF-ovi, a mi već godinama upozoravamo da su ključni faktor u svemu što je negativno.

Otkrili smo da je presuda Evropskog suda za ljudska prava u Strazburu u tzv. slučaju Suljagić zasnovana na prevarnom i zlonamjernom svjedočenju tima odbrane BiH. Došli smo u posjed dokumenta u kome se lažno tvrdi da štediše zahtjevaju jednokratnu isplatu štednje, ugovornih kamata i nematerijalne štete, što bi dovelo do bankrota Bosne i Hercegovine. Dalje su tvrdili da su vlasti nudile da se sredstva stare devizne štednje mogu koristiti u privatizaciji, a dobro je poznato da su u više navrata odbijani amandmani poslanika Tihomira Gligorića, Jerka Ivankovića Lijanovića i Momčila Novakovića, na Zakona o izmirenju obaveza po osnovu računa stare devizne štednje koji bi to omogućavali, ali nikada nisu dobili potrebnu većinu. Pokrenuli smo postupak za ukidanje presude zasnovane na lažnim dokazima i u tome ćemo uspjeti. Krivično ćemo goniti krivokletnike:

1. **Moniku Mijić**, Agenta BiH pred Evropskim sudom u Starzburu - **HDZ**,
2. **Zikretu Ibrahimović**, njenu zamjenicu - **SDA**,
3. **Biljanu Kujundžić**, pomoćnicu - **SNSD**,
4. **Aleksandra Džombića**, ministra finansija Republike Srpske - **SNSD**,
5. **Draganu Aleksić** - njegovu pomoćnicu - **SNSD**,
6. **Tihomira Ćurka** - Zamjenika ministra finansija Federacije BiH - **HDZ**,
7. **Ezher Kubat** – savjetnicu - **HDZ**,
8. **Mate Lučić** – savjetnika – **HDZ**, i
9. **Milana Dupora** - savjetnika Premijera Republike Srpske - **SNSD**.

Otkrili smo i to da se i 2007. godine privatizacija vršila dinarima?.

Zato apelujemo na naše članove i ostale vlasnike stare devizne štednje da cijeneći navedeno ne popuste pred kriminalcima koji bi njihove pošteno zaradene devize verifikovali, odnosno konvertovali u KM, u vrijeme kada i evro doživljava navjeći pad, a valuta Bosne i Hercegovine, države sa najvećim vanjskotrgovinskim deficitom u Evropi se vještački održava. Apelujemo da se ne odričete svojih kamata, jer i kreatori naše pljačke uživaju kamate na svoja prljava sredstva. Našu imovinu i naša prava štiti Evropska konvencija, a svi zakoni predviđaju da se kriminalci i lopovi gone i kažnjavaju. Tako će biti i ovdje. Mapa puta za članstvo u Evropskoj uniji sadrži obavezu izmirenja stare devizne štednje. Ovo nam je potvrdio gospodin Baroso.

Sada treba izdržati pritiske i prijetnje, a na izborima u oktobru treba glasati za one koji su sposobni i koji hoće da konačno na pravedan način riješe pitanje stare devizne štednje, a privedu pravdi sve koji su se obogatili na nelegalan način i konfiskuju im tako stečenu imovinu.

S poštovanjem,


Za Upravni odbor
PREDsjedNIK

(Svetozar Nišić)